

召本陳志禪師詔

皇帝敕諭朕惟善政導民期適蕩平之路仁風扇物統歸化育之中仰千聖
之徽猷邇百王之懿軌理無分於三教道豈外於一心故佛演法門立闡揚之
大旨祖標禪理示默契之真宗皆所以迴脫疑情頓開覺性惟曹溪之一脈
儼鷄足之上乘暨臨濟之三玄九象玉之法乳慧兩普施於一切宗風常勝於
五燈緣衍法之獨隆斯傳衣之最衆朕撫臨寰宇心切牖民期與海內
蒼生共臻覺路必使明心而見性方能易惡而至中時覽經文間常恭覲
續圖頓交融之旨必行解相應之人聞爾禪僧道志臨濟正傳宗門法器
戒行清峻不染六欲之塵道眼圓明能空四諦之妄風規早著解脫有年憫
結習之牽纏揭單傳之要測是用特遣僧錄司右闡教淨行禪僧法爾齋

敕前往召爾來京。欽聞玄風。游聞高論。爾其洗跡就道。持錫遄征。無耽深
隱之清。用慰遠延之切。於戲弘宣大道。復淳古之休風。廣度迷情。躋含生
於壽域。欽承朕命。式賁爾宗。欽哉故諭。

順治十六年閏三月

日

封弘覺老禪師詔

師法號本陳弘覺者乃誥封之號

皇帝敕諭朕惟佛會拈花妙心傳於迦葉禪行內壁宗旨付與神光六葉既敷
千華競秀陰法雲於真際火宅晨涼耀慧日於康衢重昏夜曉以至瞬目揚
眉擎拳舉指顙皆合宗門之妙諦得教外之靈機誠非他學可知亦豈意生
所及眷言道行英英觀高踪實悟真如必先玄覺咨爾禪僧道志嗣法天童傳
宗臨濟克證無生之旨機目圓明允通向上之關悟稱諦當朕爰稽載籍祈會
性真間覽玄文深嘉妙義故時於聽政之暇詢爾以法道之微迺名言之
不繁克隨機而得解玄關幽鍵感即能通遙源濬波酌之不竭傳一燈於
種智了萬法於真空廣量出於凡心元明踰於宿學引之於有高謝四流推
之於無俯弘六度信乎凡之可以證聖誠哉惟覺所以悟迷非同測海窺天固以

登堂入室。堪主法門之席。允稱禪衆之尊。是用封爾為弘覺禪師。錫之敕印。
於戲。慈周萬有。大身徧於十方。利濟四生。本覺超乎三世。俾舉代咸登仁
壽之域。在隨方而啟般若之門。其益懋爾勤修。庶弘開夫正梵。式承嘉命。
丕闡宗風。欽哉故諭。

順治十七年四月

日

札弘覺禪師

錫杖還山時。蒙遠念。茲覽音問。式慰朕思。來伴言旌。裁書附往。並有款語者。朕
每念法門。輒景先哲。知雪嶠大師藏塔。卓立雲門。後學諸方。應共瞻仰。比聞山
界雖分。基址漸圯。恐年深人遠。陵毀堪虞。今特捐五百金。重為修治。雖未必足
宰波之費。然經朕一為整葺。人必改觀。起敬。自不敢復行侵侮矣。禪師重念
儀型。久懷崇飾。當勉為經理。承朕敬禮尊宿之義。以副夙心。故茲特屬。

禪師其悉之

釋慧命寄戴逵書

摘錄末段其前半附載三教內

貧衲識鏡難清心塵易擁才作微燭學謝傳燈內有愧於德基外無狎於人世是以淹滯一
丘寓形蓬柳端居千仞託志筠松測四序於風霜候三旬於朏魄至乃夜聞山鳥仍代九成
視遊魚聊追二子華戶弊衿既在原非病朱門結駟亦於我如雲所嘆藤蘿卑易侵樹
後難靜勞想鷲頭倦思雞足至於林凋秋葉魯無獨覺之明谷響春鶯終切寡聞
之嘆忽承來問曲見光容幽氣若蘭清音似玉觀之誠溢目致歡讀之實撫膺多愧也雖識
謝天池未辨北溪之說而事同泥井慙聞東海之談所冀伊人於焉加我黃石匪遙結期明
旦白駒可繫用永終朝善敬清猷時因素札言不洗意報此何伸

○朏他凋切音挑又土子切挑上
朏聲晦而月見西方曰朏

澶南小寺書東輝禪師冊

王範

鄆人天順庚辰進士前
庶吉士歷湖廣布政使

真州牛喫草○益州馬腹脹○彼處揮刀○此處頭斷○師歸五臺○竟不歸○
請問師歸也不曾○五臺澶州有何分別○歸去東輝○與此間東輝○又有何
分別○雨落是水○火燃即燈○大家都被無明迷暗惑住○誰知牆壁瓦礫○
朝朝說法○所以騎驢覓驢○自昧却本來面目也○東土有佛○何必西方○澶
州現在何必五臺○願師將歸字○貶向無生國裏去○且看此間經喫此間
飯○睡此間安穩覺○赤灑一絲不掛○管取你撒手懸埃何如○

東輝名璵○光和尚○開州人○俗姓劉○初為郡文學○獨好內典○興開
府侯公英同筆現○同員時名○同鄉誡○侯登第赴宴歸○止見巾

眼不知所止。笑求之不得。知必祝髮為僧也。後宦歷中外。專意訪問。併無踪跡。至為江西副憲。始物色得之。携歸建寺居焉。其妻子求見。絕不許。凡達人貴客。過侯公者。皆樂與談禪。今其塔歸然于龍泉寺側。

侯公名英。侯春之子。中天順庚辰進士。授御史。按遼。劾中官。四方想望風采。歷陞都察院副都。

侯春。侯英父。中永樂辛丑進士。授御史。歷浙江按察司副使。有孝行。廬墓免喪。猶居七年。

造報僧道冊式

浙江
憲
袁輔宸
譚一相
順天人

爲俯察輿情勅頒冊式護法安僧事。據杭州府僧綱司某率仁錢二縣寺廟僧衆等呈稱。浙省教彌佛并杭郡更云僧數。今着槩行查造。卒難措手。蓋因釋子形服顧同居處不一。有叢林僧。靜室僧。應赴僧。行脚僧等。其在叢林者。雖衆盈累百。莫非秦越同堂。蕭然衣鉢。去住難拘。其住靜室者。或日藉檀那蓋飯。或開荒自食單丁。其應赴寺院分房當丁世籍者。或應赴誦經糊口。或耕種田產爲生。即念經一類。有兵革之餘。門徒逃散。無經可應。而饗殮不繼者。其耕種一類。有納糧當差同民戶者。復有虛存殿址當差而揭債完官者。至如十方行脚雲水僧。一鉢千家。孤身萬里。以上各類中。多老病臨危。將登鬼錄。若使並列僧書。不將老病貧苦區分。一旦勅令請度。何人代納。且漏名即如漏役。查出治罪。可虞。開免名則如開花。將來結菓何似。

僧等與僧衆合同哀叩三教同仁裁定條例或思准老病註冊或許當丁者載于
名下頒示下司照式開造古杭為兩浙首邦兩浙係九州名省一行衆效無量思金寺情
據杭州府道司紀某率諸山道士某某等呈稱三教統係一宗而至德要歸大道自
函關西渡釋迦亦共化身玉軸東傳宣尼因之問禮黃庭一大乘皆為練性真詮
道德五千言悉屬闡微奧義自古派蔭來茲然而秉教雖尊廣衍難追釋教分
門最弱蜚英不及儒門所以自唐宋迄今不過此數十處勅建之宮觀合省域內
外亦未滿二百餘處為羽流者談經無別院窮年株守蒲團接衆少資糧終歲抱
安齋鉢此真方外之極貧而教門之最弱者也今奉 旨清查僧道是在奉檄遵
行但念諸山老病頗多龍鍾瀕死若使槩登道冊不為別類區分萬一勅令
請度將來何人代納伏乞恩加憐覆曲賜矜全格外寬仁全脩有地等情奉總督

部院趙批仰布政司查報。又奉巡撫部院蔣批仰布政司會同巡杭道一併查議報奉此。遵即脩移杭嚴道。并行杭州府查議去後。今據杭州府申覆云。杭嚴道移覆云。前來本司脩查僧綱司呈稱。僧衆不同。有叢林僧。靜室僧。應赴僧。行脚僧。請將老病註于冊中。或當丁者註于名下。又呈送冊或開註年甲籍貫等項。今該道府縣議稱。年甲籍貫。自當開報。而貧老病字樣。似屬未便等因。本司查應赴二字。以其代人誦經祈福。故以應赴名之。考之釋典。並無此名。蓋應赴僧。即常住僧也。夫僧為乞士。蓋上於諸佛乞法。下於十方乞食也。自薄伽梵之息竹林也。身率其弟子。以游食於國域聚落。又制令精舍中。毋得蓄釜瀹事火之物。而著之為律。然一易世而迦葉阿難陀結集大衆。成大藏五百六通。迭察迭書。無餘畧以行乞。勢不得不資阿闍世王之送供。而其後三明五行之賢人王。割邑戶以資。

之多至千戶。少亦不下百戶。蓋戶割而世守焉。遂爲常住。而震旦中如南嶽清源。鴻仰諸山。亦因而不改。猶如結繩降而書契。井田降而阡陌。封建降而郡縣。紫時會所趨。自然之勢也。是以叢林行脚。未失其初。而其常住也是佛教之一變也。自常住而後。於是身披袈裟。手翻貝葉。而納賦稅。克里役。與齊民無異矣。此圓僧等欲將覓納丁充役者。附註名下也。今據呈送冊式。開列年若干歲。某府某縣人。投某府某縣某寺出家。今晰常住掛搭字樣。似屬可行。又請註貧老病字樣。但旣註年歲。則老幼甚明矣。至於僧家所有一衣一鉢。何人不貧。雖有常住田產。孰肯自稱爲富。若概註一貧字。殊不雅觀。至於病者無幾。若非殘疾。難以註冊。慮如該道府縣所議。不便註冊。其年甲籍貫。雖當開造。但部文內並無年甲籍貫字樣。若本司執定畫一開造。恐於功令之外。增設名色。起人疑懼之心。似

應聽從其願。或止報一花名。或開年甲籍貫。或註叢林靜室常住行腳字樣。本司急據原冊送部。雖各屬之冊未必盡一。但冊式未奉部頒。亦無違例之愆。伏候憲裁批示。以便通行遵照。至於道院無多。羽流亦少。亦當聽其自造。不必拘定冊式。至於各呈情詞。皆有惟恐納牒之舉。是以鰥鰥過慮。本司伏思我朝功令大略。鑒於故明查洪^武二十六年。令各司每三年考試。能通經典者。申送到部。具奏出給度牒。又宣德元年。以僧道請給度牒甚多。諭禮部會同翰林院禮科考試。能通經典者。方准給與。則是度牒原不輕給。今造冊報部之後。必不盡令納牒。以益太倉之粟也。而各僧道亦不必皇皇然懷杞人之憂。第今奏文已久。欽限將逾。伏乞憲臺嚴加批飭各屬。星速造報。以便彙齊。連冊毋許遺漏。致干功令。並取該府縣不致虛妄。少開印結。以憑送部。並祈憲檄嚴督各道各府縣密

行查訪如僧道官弁經承衙役敢有需索分文立行拿辦憲轅置之重典則緇
羽二流不致驚疑而
欽件得以速竣矣

曇花記自序

屠

陰緯真別號一衲道人

余四十奉道五十四始長齋持梵行念罷官蚤生平壯心不小展則手取如來前場
枝水洒之又念身為世間殘棄物無當焉渤牛溲於世界無毛髮益學道不成
未能自度度人索所以小益世界者不可得士大夫往往從余索為傳奇余謝不
為嘲風弄月鼓吹人代導懿增悲業有宿火余索何加哉間居想仙佛大道如
日中天人不信善惡因果報應亦如日中天人不信出自金口散在諸書人不覽
亦流雲過眼飄風過耳爾世有高人生而譚是事非衆人所好則却不往也理與
詞文則聽不鮮也非其所好則機不入也譚不益余偶見唐西來事乃采摭而稍緣飾
之為一傳奇私度小有益世界將在斯乎或曰此戲也予五十四長齋修梵而戲耶戲人
何益祇損耳余曰否此余佛事也以戲為佛事可乎曰世間萬緣皆假戲又假中

之假也。從假中之假而悟諸緣皆假。則戲有益無損。認假中假為真。而惑之導而悲之增。則又損。且予不知閻浮世界一戲場也。世人之生老病死。一戲場中之離合悲歡也。如來豈能捨此戲場而度人作佛事乎。世人好歌舞。余隨順其欲而潛導之。徹其所謂導。惑增悲者。而易以僊佛善惡因果報應之說。拔趙幟。插漢幟。衆人不知也。投其所好。則衆所必往也。以傳奇語闡佛理。理奧詞顯。則聽者解也。導以所好。則機易入也。往而解解而入。而省改千百人中有一人焉。功也。千百人中必不止一人也。曰如來聖賢何。曰非衆也。聖賢像。率土木為之。人以聖賢視土木。則土木亦聖賢也。登塲者豈無當土木耶。人以聖賢視登塲者。則登塲者亦聖賢也。必也毛髮無信心。而直以戲視之。則衆笑且棄。聖賢非余始也。如來大士上帝高真。見傳奇者多矣。余襄與諸家同。而語稍入人。與諸家異。此而不入。余又索之何。余與諸君約。登塲者與觀塲者。

並齋戒為之則功無量也。登場者齋則登場者功也。不及齋戒而有信心則亦功也。不齋戒又無信心而直以戲視之則罪也。亦余罪也。雖然此世界何嘗之大乘之器必有場未畢而拍手大悟不離場而跏趺脫化者矣。

西來本清泰字也

書紳集序

摘後段

李太史諱中白

山陽徐越

御史

病中靜觀萬業成真一身是假因是涉獵玄門頗悟宗旨其實四書五經人能以讀內典之肺腸理會讀之生受死歸領略何盡而兩氏之學終屬一邊其達達以所得意發為蛙吟又隨其感觸拈筆成語或流覽諸法言手書數則願以提撕旦晚庶幾不大惑溺兼可諷諭子姪親知仰回天心俯解世網無如心長才短學窘受寬望古遙集如入寶山不知拾取之何從也得吾上黨李太史夫子繪先所著書紳集

厚不盈寸。而本末條貫。身世弘通。包括天人。根極性命。發明聖書賢傳之至微。贊
勲弼教。明刑所未逮。有能二體認。純乎其純。不難日躋高明。而奉持少懈。片語
相違。未免歉然。名教觀其并言。述太夫子之訓。德甚盛矣。而不敢專。即天
下萬世耳目茲集。洵暮鼓而晨鐘矣。而興言警世。謙讓未遑。是何必親遊吾夫子
氣宇者。乃坐春風而挹太和哉。某緣是將所輯者。欲付而丁。蓋以日月之下。燭火無光。真
有所謂難為水。難為言者。非僅廢布鼓于雷門等。鄧林之一木也。嗟乎。先君子歸空之際。書三
字以示。越曰。做好官。十數年。采田鏤心版。不敢刻忘。乃猶然苟且依違。不克副先君子遺訓。至今鬚齒中衰。
追悔前數十年。讀書為人服官之狀。而向後歲月。若挑燈續膏者。然知尚能餘幾。何其言行心思。再不獲確
然目振。則。越之所以報天地萬物者。固如是而已乎。如彼蒼不重撥我。我得日自省堂書紳一集。同先君子遺
訓三言。拳拳服膺。詎謂成我者。與生我者。有以異耶。愛命子。覺
書而授諸梓。上半錄入警省類內

玄真道士

大霄琅書經云人行大道號曰道士士者何理也事也身心順理惟道是從從道為事故曰道士。三洞道科曰道士有五：一天真道士，高玄真人之流也；二神仙道士，杜冲尹軌之列也；三山居道士，許由巢父之比也；四出家道士，宋倫彭諶之匹也；五在家道士，黃瓊錢鏗之倫也。

鍊師 唐六典云道士修行有二事：號其一曰法師，其二曰威儀師，其三曰律師，其德高思精者謂之鍊師而齋有七名：其一曰金籙齋，其二曰黃籙齋，其三曰明真齋，其四曰三元齋，其五曰八節齋，其六曰塗炭齋，其七曰自然齋。而禳謝復三事：其一曰章，其二曰醮，其三曰埋沙。大抵以虛寂自然無為為宗。

黃冠師 韓昌黎送張道士序有詩云：諸闕三上書，臣非黃冠師。○唐李播任隋弃官為道士，號黃冠子。○紫荷巾，熊貽頊冠芙蓉七曜晨纓，遠遊俱道冠名。

羽客 廬山記云唐保大中道士譚紫霄賜號金門羽客○亦曰玄流真侶

華陽隱君 陶弘景曰我心如懸鏡觸物不遺好行陰德拯濟窮困自號華陽隱君

紫衣 唐代宗時李泌乞為道士賜紫衣○雲裝皇劔霞衣羽衣俱道衣也

三清 玉清清微天宮也元始天尊居之上清禹餘天宮也玉宸道君居之太清大赤

天宮也混元老君居之即道德天尊

元始天尊 隋書云元始天尊生於太元之先稟自然之氣冲虛凝遠莫知其極天地

淪壞劫數終盡而天尊之體常存不滅每至天地初開授以秘道謂之開劫度人

太上老君 老子內傳云老君姓李名耳字伯陽楚國苦縣賴鄉人也其母見日精下落如

流星飛口中因有娠懷之七十二年于陳國渦水樹下剖左腋而生指李樹為姓生而白首

故號老子耳有三漏又號老聃○魏書釋老志云道家之源出於老君先天地以資

萬類上處玉京為神王之宗下在紫微為飛仙之主千變萬化隨物感應厥跡無常

丹丘 楚辭云仍羽人於丹丘兮留不死之舊鄉○王逸注曰丹丘海外神山晝夜常明

玉局 玉局在成都南漢桓帝永壽元年老子乘白鹿天師張道陵乘白鶴至此

有玉局床自地而出老子升座為天師說南北斗經去而床隱于地故以名觀

三神山 史記云蓬萊方丈瀛洲三神山在渤海中諸仙人及不死之藥皆在焉

金簡琅書 玉清隱書曰有太上飛行九晨玉經金簡內文○太霄琅書曰太霄琅書

鑄金為簡刻玉結篇金樓玉宇以明寶文秘於九天之上

服氣鍊形 白氏六帖云齋心受錄服氣鍊形暑不流汗冬不挾纊膚體顏色冰

清玉溫未識者謂玉之疑為神仙中人也

杜禍興福 陸法師曰凡道士以道德為父神明為母清淨為師太和為友大戒三言

以杜未兆之禍。威儀三千。以興自然之福。

驚換黃庭。道士管霄霞。龍紅驚一隻。遺王羲之。請書黃庭經曰。此仙驚也。後果

飛昇去。按埤雅。驚善轉旋其項。古之學書者。法以動腕。故羲之好驚。

合大還丹。真僊傳云。有小還丹。大還丹。大還丹者。言其九轉循環也。○唐高宗令劉

道士合大還丹。成而上之。及卒。惟有空皮。而背開拆如蟬蛻。

青精飯。神僊傳。鄧伯元。王玄甫。俱在霍山。服青精飯。○唐高宗幸嵩山。至逍遙谷。

見室中大廚。問潘師止。答曰。中有青飣。精昔城西王君。以南燭草為之。服食得道。上乃

命道士葉法善。往江東造青飣飯。○杜詩。豈無青精飯。使我好顏色。

陶弘景登真訣。有乾石青飣飯。其法用南燭草

汁浸米蒸飯。暴乾。其色青如蟹珠。食之延年。

冰桃碧藕。周穆王集方士春霄宮。王母乘鳳輦而來。玉帳高會。進萬歲冰桃。

千年碧藕洞淵紅藕音委草榮也○又與葩同兼山甜雪崑流素蓮陰岐黑棗青花白橘

素蓮者一房百子凌冬而茂黑棗者其樹百尋實長二尺核細而柔

婉女黃芽道書云蓬萊修煉法河車是水朱雀是火取水一斗於鍋中以火炙之

百沸致聖石九兩其中初成婉女聖石藥名婉女真汞也汞水銀也次謂之玉液後成紫色謂之紫河

車白色曰白河車青色曰青河車赤色曰赤河車亦名黃芽婉俗婉字且雅切音味上声婉女水銀也

河車陰真君金液丹訣曰北方正氣為河車東方甲乙成丹砂兩情合養為一體朱

崔調運生金花北方是水東方是木水生木所以合養為一體朱雀南方火也既有水有木則用火以燃火所謂調運水火兼備煉成丹藥則生金花焉

寓形人間蔣防文云鶴骨松貌泉停谷處寓形人間天地無累與扶桑公陶隱君友矣

寄跡法中韓文公送張道士序云張道士高高之有道者通古今學有文武長

才寄跡于老子法中為道士以養其親聞朝廷將召東方諸侯貢賦之不如法者三獻書

不報長揖而去

講還元篇 張無夢永嘉開元觀羽士也宋真宗召對無夢講易謙卦上問獨講

謙卦何也對曰方大有時宜守之以謙復命講還元篇敷對詳明真宗悅 賜詩寵其還山

誦度人經 道士章見處居遂昌壽光宮誦度人經有悟遂默不語踰四十年多驗

步虛聲 吳苑云陳思王遊魚山聞岩裡有誦經聲清遠寥亮因使解音者寫之為

神仙聲 道士效之作步虛聲 吳兢樂府解題云步虛聲道家所唱備言經籙輕舉之美王建詩云道士寫行氣法家重授與步虛聲

點易 葉法喜處州人唐明皇贈詩曰青溪道士人不識上天下天鶴一隻洞

門深鎖碧宮寒滴露研硃點周易

紫霞黃庭 紫霞篇即黃庭內景經也經曰上清紫霞虛皇前太上大道玉晨君間

居蕊珠作七言散化五形變萬神是為黃庭曰內篇誦之萬遍升三天

符籙
黃帝出軍決討蚩尤夢西王母遣人以符授之帝寤在壇而請有玄龜叩符
從水中出置之壇中道家符籙始此人君詣道壇受符籙始南北朝魏

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

摘蒲團上語五則

○有客問鮑顛曰坐蒲團後將已前癡情迂態萬種千端放在何處曰都放在蒲團裏問蒲團放在何處曰癡情迂態萬種千端之外便無別處可放蒲團

○客又問未坐蒲團時却在何處坐顛曰未坐蒲團時蒲團却在何處

○客欲分鮑顛蒲團共生顛曰滿能坐時當以全席讓爾客曰欲暫坐坐顛曰要暫坐是處可坐正不須蒲團

○或問蒲團是何物製就曰割去風魔藤編以忍辱草鮮下翠粉簪繫以斷臧絲顯密圓通打成一片安着四大無有漏處

○丁南羽寫羅漢像遠駕唐宋人鮑顛奉贖乞一幅南羽答之曰若要画羅漢請借居士面孔作粉本顛裁答曰顛乞南羽指上的羅漢若画顛公面

上羅漢便是依樣葫蘆矣。雖然顧公是羅漢化身亦不暇借南羽居士指上描寫也一笑。

描寫方外術士

綸巾羽扇鶴髦芒鞋絲絲繫腰葫蘆掛背一雙眼好似懸鈴兩道眉渾如挿劍鬚鬚頂上捲只聞毛裏傳聲肌內橫生恰以皮中有路懷揣一條寶劍自誇能遣將驅妖袖藏兩冊兵書憑說可攻城陷地三十六般變化盡是邪機七十二種遁形無非怪異正是鬼門道上由他過函谷關中無此人少習兵法長得玄機遁法通神陰謀莫測更能驅神役鬼喚雨呼風加之掉石飛沙換形度相兼可剪絛為人撒豆成馬憑他勅敵當前轉眼天消烟滅

○宗子相報張助甫曰弟紫霞念切紅塵計疎武夷天台之上有丹竈在焉將朝握黃
庭暮餐綠雪淨世紛華已盡耳目即使紅紫於此亦何佳況草木同腐壯士耻之
屠赤水與曾觀察曰安期生說楚不合退就金丹徐洪客干王無媒歸棲岱岳
隆雖不肖願追踪兩生上則飛肉霄漢次則蛻骨名山乃為子事丈夫不能學
虞卿遷史窮愁著書齒髮禿落老鑕故紙作蠹魚蟲也

○徐崐雲曰玄虛之教大要以清靜無欲為主以長生不死為用其工夫較善而其要歸
於儒釋一後世誕妄之徒逃而為採補燒煉士大夫多溺之夫採補色欲也燒煉利
欲也縱情好色曰手求利此貪淫之尤而托言於玄門欺天罔人一至於此乎

Ms. A. 9. 2. 1. 1. 1.

Ms. A. 9. 2. 1. 1. 1.

指玄篇序

純陽呂祖

予精儒業應試路逢正陽仙翁憫品指修大道遂棄名利始生疑惑後蒙指出
予方省悟再訪聖師登山涉水遊至終南稽首請問根由不責前愆授予太上
無量度人上品妙經及丹房秘訣反覆丁寧告戒命予珍藏密修大道採煉
還丹以逃生死入希夷明超長生境界予既得聞喜而敬之叩頭謝恩別聖師
雲遊塵境誓度百人成道皈奉真風不料世之迷徒只知惡死不肯求生不
悟玄機殊昧妙理反生謗毀或有執著而懷邪妄者或烹煉凡水火者或服
金石草木者種種癡愚入於迷境及至老死猶不知悔深可惜也予因憐
之無能拔濟特作指玄篇一冊留於青城石室之中稽首告天拂袖而去倘後之
君子得遇此篇乃三生有緣收吾秘訣務必嚴整衣冠具香花燈水於靜

靜夜面朝北斗致謝高真日遂虔誠感格仙聖自有明師剖訣簡與細微
水火進退藥物斤兩明後下手隱身煅煉龍虎大丹脫胎入內接命驅魔剪
怪修得三千行滿候詔飛昇逍遙物外與天齊壽與嵩無異也是為序

山公箋

不肖山自揣為山中人久矣笑山其心并其名而山之誠知予非山則不存山非予則不名今之
山正以存山正以名山也而入山之心始無負但三神山越在弱水外一時不能作肉仙飛去因
隨山而山寄焉蓋真人會合之洞天必多道士可以求真而問道道在則身雖似遊而
玄同實契予天山所見山為大地之骨塵緣皆一團尸肉也老子語尹喜曰若求學道
先去五情予在下根安得不借隱身為遺情之符手昔隱黃岳猶以先人情緣未了遣
山俗塵垢至今蒲團一番盡成虛話今且年當半百霜髭摧殘山不還山終將俗死

飄然而往道或在茲蓋聞道者太上輔佐帝王好生之德其次欲度其家其次才脫其身山謂得脫其身則家不難度而以長生誘人即以佐上帝之德此行於道自有得處不然出處兩無所濟所稱三不朽者盡室玄樞何以名為人且無當而况乎道山受道不得不先愛名每每負慚實以無可立于天地間也且山野性成時流難合雖世情日趨未薄而以世外人對之殊難為意叔夜之懶曼倩之譔太白之酣君平之棄世無一不與山合故卒以丹臺玉室為全真之與宅也何待向平婚嫁畢而後為五嶽遊哉噫藏山于山有道者能負之而走即驂虬駕鹿猶尋常事又何羨赤松黃石之徒耶嗟嗟天高而人深夢今而醒古山骨不凡顛夢久冷高朋良眷明眼必自有人願共醒焉將曰山之為山自若也而以今日之入山為山美則山即藉入山之意為度世之不死藥山之名或不朽而於三不朽之負慚或可少償矣語云五百年名山

一開茲且華陽之鶴重來會合諸親知請急著眼

關舍卿斷肉編序

西湖何偉然 仙臞

大地以石為骨。以土為肉。以草木為毛。凡食土之毛。皆肉也。甲拆而斬之。鴻苞而割之。使不得終飽。天和地德。皆不忍也。夫不忍。則必捐性命以從而後可。我不忍于物。物忍我之立盡乎。若曰。大地之毛。無血肉也。不見夫種蚍種羊者乎。何土非血肉也。故嘗謂斷肉。不如辟穀。周遊清虛之表。逍遙白玉之京。將烹天得。澄澆地皆滓。不惟無肉食。相并無斷法。省多少。橫說豎說。令三千大千。橋舌不下。無處着口。如尚住一片血肉場中。極力換作蓮花淨土。縱多手菩薩。安能掃除不虛費。舍卿戒書萬卷。乎。舍卿聞而笑之曰。何肉之累如此。

鮑在齊蒲團上語序

何仙臞

鮑顛在黃山坐蒲團七年。凡語從蒲團得者。盡記之。悟者讀焉。曰。蒲團上故有。

此妙語不知語將曰安用蒲團為看來即坐蒲團人未必能作是語黃冠野衲上
焉者借此一片太極圖覺影拾黃婆姹女吞江喂狗之腐談謾過大弟子下焉
則托坐亡而深攫金之謀假嘿參而遊華胥之國腐譚了不可得最下且充酒
肉之凡筵代風流之茵褥不可言也至于不可言斯為蒲團之辱得老顛此語
始覺蒲團為了悟人必需之物但不知予坐其上亦能作是語否今老顛遲予
於三茅峯久矣孔子云海內弟兄生死共其欲以蒲團生我乎老顛之蒲團得
語而不死予得老顛不死之蒲團或亦可老於山中但恐老顛蒲團不許老瞿坐恐
老瞿亦似嬰兒學語也不若自製一蒲團用摩美人草取其靈通用千步香取
其不垢用蔓金草取其光明用翠蘿取其點化用小草之草荔取其不痛用招
搖之祝餘取其不饑不知得與老顛相似否不相似則同牀各夢止不相干其何以共生死

三教

元城進士董復亨曰青牛西往家尋去聖之蹤白馬東來戶守覺王之印瑤池圓海幾
奪儒宗金粟曇花編延震旦然要皆未登佛果妄慕丹丘廣樂清鳥既墮魔境
祇舍恒沙更落理障而猶高標日月藐薄鄒魯假令殮如何之榘燃無盡之燈真見
如來果分混沌則將置儒者於何地哉余嘗譬儒於人譬仙於神譬佛於鬼雖皆
宇宙間不可磨滅之物然鼎立世界而朝仙夕釋是奇相呵旁共人接裾而白日行
市也亦大不經足駭矣章丘古號文學之鄉弄紫乘青故不概見塵得葆光手長
春真人余不知其於五竊桃牧羊負兔辨鹿茸何似跡其鍊神服氣透關灌
骨亦可言蛻骨聲利之中自致寰區之外者焉

章丘志

夫道尚清虛釋談寂滅二家似是流世久矣是以琳宮梵宇其徒日滋雖其為教各宗一端然
類聚焚修上祝國祚下化愚俗亦聖世之所不逆也

○張僧繇詣江陵天皇寺畫盧舍那佛像因並作仲尼十哲明帝怪問釋門內何以著儒僧繇曰
他日正當賴此耳及後周滅佛法焚天下寺塔獨以此殿有宣尼像獲全

○釋慧命寄戴逵曰夫真常湛音教微妙於是同玄萬聖乘機違順以之殊迹是以西關明道東野

談仁雕朴改工有無異轍今若括此二門原茲兩教豈不歸宗三轉會入五乘藉淺之深資
權顯實斯若池分四水始則殊名海控八河終無別味 ○海名天池以納百川者也四水指東
西南北四海而言

○又曰檀越幼挺奇才夙懷茂緒華辭卓世雅教參玄快入智涉五明學兼三教益矣能忘蹈願生之逸

執損之焉道慕李氏之玄蹤雖復六經該廣百家繁富聖賢異派儒墨分流或事曠而文殷
或言高而旨遠莫不納如瓶受說似河傾明鏡匪疲洪鐘任扣加以識鑒善望志排塵俗興言
世網屬嘆章緣嗟朱火之遽傳慙清波之速逝濯足從道洗耳辭榮九轉充虛四禪排疾方
應尋八正以味一真解十纏而造三意斯之德也寧不至哉

三教論

自三教鼎立。服習各異其宜。爭執者岐。舌聲牙。競起牴牾。抑知混沌判而三才立。人物著而三教分。世之有儒。不能無釋道。猶歲月之有正。不能無閏。時日之有晝。不能無夜。節候之有春夏。不能無秋冬也。一理而兩端具足。殊途而歸旨相同。原其所始。未嘗不可兩存而並是焉。粵稽人文之元。肇自太極。庖犧以一畫開其先。唐虞以十六字神其理。歷禹湯文武周公諸聖人。煥乎始盛。迨吾夫子。生膺麟。紱玉書之兆。爲衰周之素王。祖述憲章。上律下襲。集大成於一身。天不足爲高。地不足爲厚。人不足爲小。漱道學之淵源。揚生民之耳目。木鐸響而千里應。帝珍流而萬世尊。此儒者之教全體大用。所以與天地並立而不朽也。載攷竺乾之教。自釋迦世尊。生具妙相三十二種。投身雪山。趺坐淨修。覺行圓滿。遂成佛果。摩騰以

經西來而震旦之人始聞其說。布火宅之法。雲破重昏之大夢。以聲色臭味觸法。併是聞知識皆爲障礙。大要在於屏紛華。尚清淨。貴慈悲。惡戕殺。與吾儒淡泊寧淨。博愛好生之旨頗有合。其於孔孟之教。殆不相入而相成者歟。若彼指樹託姓之李老子。當剖脇寤生。即瞠然翁也。隨物感應。莫知其極。紫氣騰萬丈之輝。青牛載三編之體。著道德五千言。度函谷而授關令尹喜。爲和古黃冠之宗主。吾夫子適周問禮。嘗有御龍之羨。如古皇先生者。不可謂非非常之人也。惟是二氏立說宏博。濶大未易究竟。作其言雖聖人有所不能廢其書而天下未嘗不宗。是以吾儒目爲異端。皆有遺議耳。昔李士謙答客三教優劣之問曰。佛日也。道月也。儒五星也。客不能難。余意不然。夫日者太陽之宗。火之精也。主生養恩德。爲人君之象。故陽德麗於天。則百穀草木麗乎土。而萬物蕃息焉。乃吾儒有位天地。

育萬物參贊裁成之功能且世無孔子萬古如長夜擬之爲日不更彰明較著哉余謂日也者儒教似之若夫月者積陰之氣而成水之精也火則有光水則有影雖配日而同其大不能並日而同其明故月光生於日之所照日所不照則光盡體伏而晦焉乃釋氏以見姓爲宗了空爲本思特地乾坤獨尊無上以矯世然托鉢十方不能去儒而自強猶皓魄之體儉於寒素雖行空摩_漢不能去日而自生明也余謂月也者釋教似之至於星珠聯璧絡樞紐於太虛在野象物在朝象官在人象神承兩儀而積耀鍾二氣而垂芒從類以應庶徵之驗石之精也乃道家抱一守真以修養導引之術爲駐年却老之方儲精煉氣洗髓伐毛播儒釋之所未備猶星宿列垣循度布合五行回環燦經緯之文靜涵元氣昭變化之用動運四時會極升恒並日月而麗天無窮也余謂星也者道教似之元明宗朝

祭酒李承魯在翰林時進講上問曰三教何者為貴對曰釋如黃金道如白
璧儒如五穀上曰然則儒賤耶對曰黃金白璧無亦何妨五穀於世其可一日闕
然則三教之緩急輕重不待智者而自辨矣雖然人心至隱不有所醒觸則不攝彼
釋老之教固不可以治國而正可以感人其繹金經而闡玉旨現法炬而破貪嗔能
以因應果報之說收拾愚頑皈依道法以輔治化之所不及豈非與吾儒以神道設
教之意同一功用哉釋老與吾儒皆此性此理也吾儒功業蘊隆體用統承於有
是得其正釋老宗旨空虛體用推歸於無若得其偏耳質言之則吾儒經濟之
處實相勝於釋老精會之則釋老覺悟之處亦可引於吾儒譬周天運度閏
餘置而歲功始成玉燭占年四時叙而貞期甫協法界情區均資利益何必過為
憤激欲人其人而火其書乎緣俗立教原不絕人與世相容貴乎大共從而設之者

固屬其非排而詆之者亦不為是也自我論之五味不同性調之而至味此為五
音不同聲和之而至音此為三教不同科極其至而理歸一焉明夫歸一之理則吾
儒盡吾儒之道釋老盡釋老之道各行其在我之正庶乎兩得之矣

本色腐儒伯棠甫章 蔭漫言

論佛

陳繼儒

佛氏者朝廷之大養濟院也。我朝設養濟院以養無告也。然州縣不過一二百疲癯殘疾止矣。其外少壯而貧終身不能溫飽婚娶者不知幾千萬人。幸佛教一門收拾此輩耳。夫今之僧非真忍於離父母去妻子叛名教而思以易天下也大都貧賤無聊計無復之真所謂天下之窮民而無告者窮漢而教人人婚配能手賴彼教設為出家以清淨之人人授廩能手賴彼教設為寺院以散處之人人鮮衣肉食能手賴彼教設為披緇托鉢以澹泊之人人誦詩讀書能手賴彼教設為誦經說法以曉暢之人裹糧以遊能手賴彼教設為十方接衆以津致之又恐群衆易器則清規以肅之任心易戢則苦行以煉之血氣易爭則慈悲忍辱以下之僧俗易混則髡髮刈髮以別之既代王者養此窮漢又代王者教此窮漢蓋佛教得力處正朝廷省力處也。往往間出神

僧散聖激揚宗旨。簸弄神通。化愚成信。轉惶為捨。無非善巧方便。至於活此。而窮漢而已。況此。而窮漢中。其最上者。原能了徹心性。直與聖賢齊肩。其次。雲行鳥飛。火耕刀種。信因果。護戒律。又其次。則白頭黃頂。衣食老死於其中。蠢蠢且弱。者。無殍餓溝壑之憂。強且黠者。無嘯聚潢池之禍。藏僧於僧。乃所謂藏天下於天下也。三代以後。聖人少。百姓多。雖天地且不能人為之區處。而家為之經畫。故以衣冠文物之子弟。使儒家任之以鰥寡孤獨之子弟。使佛家任之。道家又以長生延年之說。歆動乎其間。以收佛氏之剩餘。而窮漢依託以就活者不少。佛家分儒家之勞。道家又分佛家之勞。彼而為我亦不能。我而為彼亦不易。其所以同者。不過借西方眼前粗跡。以博區區之窮活計耳。

天都外史評 清淨者。儒之髓。佛之源。道之宗也。非儒無以任衣冠文物。非佛無以收鰥寡孤獨。非道無以分佛家之勞。三教合而斯世享清淨之福於不窮矣。

諸經題目畧指序

濟洲道人宋 晉 宗全初

儒教之發祥于東山佛經之輝耀于西土其來久矣。惟是傳習之難易而效驗之大小愈遠而愈失其真也。何以言傳習之難易。蓋佛經自秦漢以來。家知戶誦。即遭焚坑之慘。不能驅除。萬一此流傳之所以極其盛也。何以言效驗之大小。昔闕澤有言。孔老設教法。天制用不敢違。天佛祖設教。諸天奉行不敢違。佛豈虛語哉。夫老佛之徒出為彌近。理即斥之謂異端矣。議論相參。是非不一。其孰從而定之。然而崇尚敬信者。能幾何。人漢唐以下。迄於今。釋教之修行得道者。往往不乏。考之五燈會元。記載甚詳。總之信心信理為第一義。且大學以修身為本。其意誠心正行乎前。而齊治均平。驗於後。中庸以天命率性。修道為教。至於位天地育萬物。不外乎中和之氣順。一體之心正。而能若是也。語孟二書。闡揚仁義。不離一箇志字。所以能知言養氣。

至於五經無不皆然千變萬化只說從心上來人能正心則事無足為者矣矧諸經之要豈外是哉余不佞何得從事於翰墨留心有年歲癸酉以陵工案下理同難

諸善就於福堂中相為啟建華嚴諸藏寶經保祐皇圖鞏固奉祝聖壽

無疆延請蜀僧唐心僧指示玄教虔修頂禮者四十九日而道場之事始竟乃

得朝夕暇略淵微開余茅塞酌余夙願余因是而知佛法之罕於宣揚恐人心

之迷於大道世界空虛菩提難證深可殷憂仍命心僧將諸藏經大義畧為

指點各目註釋俾尋踪覓跡者預有頭緒然與儒書之講解更多吻合也

余僭為刪訂共成一帙付之剞劂氏以廣同志好道之誠不負忠君愛國之誼庶

幾佛教通儒教之理方信其於儒修即佛修之義始明或亦作成之一少助云

下理理理刑之官也

福堂

微曰福堂言人至此反躬修省

唐心僧

唐俗姓心僧禪師自懷之字也

論語頌并言

朱斯行

道之不明起於身食者謂儒與釋為二而其隱決者又謂儒與釋為一也夫圓顱而
方袍者釋也莪冠而博帶者儒也較然異矣及其擊之而痛爬之而癢儒與釋曾無
以異也無以異而中分之曰此為儒者之痛痒此為釋者之痛痒儒與釋未有不
笑之者則得其所為痛痒之處而一之者亦不立又何有于二何也吾人之生惟是
痛癢之處為不言而喻不約而同而他所謂儒與釋者皆外加之名也然非真受痛
癢之人終不能道痛癢中事故談道者體道而談道者乃為二矣談道者如楚越異
鄉共說中州之語強以為同而其音韻終不相合即人語人唯亦僅得其槩而不甚
習也體道而談道者如楚越之人各自言其鄉音隱顯輕重耳聆心會旁觀者竟不
知其言者何言而解者何解也故言人之痛癢者官語也而自言其痛癢者鄉音也

鄉之音惟鄉之人自知之吾之道寧不待同道之人而後知之哉余無行之下讀張
子韶論語絕句以為未暢厥旨遂隨意歌詠之間印以古語得若干首題曰論語頌
要之皆鄉音也其為官語者必誠而却走不以為鄙即以為誣而其同我之鄉音者
又未必其比肩而是也知而能信我且聽之若曰此為釋氏之旨則非一非二吾辨
之固已悉

三教圖引

公安袁宏道中郎甫著

三教之說從來爭執無定。以其有異有同也。余以為彼既得其究竟之同。便不必問其取途之異。譬如往京師。東人往。南人往。西人亦往。其取途雖異。而至京師則同也。此非余之臆見也。魯論嘗有之矣。微子去之。箕子為之奴。比干諫而死。孔子曰。殷有三仁焉。

又偶答儒釋

袁中郎

或問儒釋之異同。余曰。孔子是有福人之聖人。佛氏是無福人之聖人。不見世人得時。則談孔子。失時。則談佛氏乎。

儒忠恕。釋慈悲。道感應。三教同心。理自如是。正不必別分門戶也。

元李本魯。卽子帶公。在翰林時。進講罷。上問曰。三教何者為貴。對曰。釋如黃

金道如白璧。儒如五穀。上曰。若然。則儒賤耶。對曰。黃金白璧。無亦何妨。五穀於世。其可一日闕哉。上大說。



